

欽定大清會典事例

欽定大清會典事例卷七百七十五

刑部

兵律關津

私出外境及違禁下海一

私出外境及違禁下海○凡將馬牛軍需鐵貨

未成軍器銅錢緞疋紬絹絲綿私出外境貨賣及下

海者杖一百。受雇挑擔馱載之人減一等。物貨船

車並入官。於內以十分為率。三分付告人充賞。

若將人口軍器出境及下海者。絞。監候因而走泄

事情者。斬。監候其拘該官司及守把之人。通同夾

帶。或知而故縱者。與犯人同罪。至死減等失覺察者

官減三等罪止杖一百軍兵又減一等

罪坐直日者若

守把之人受賄以枉法論

御批謹案拘該官司四改爲該拘來官司

○附律一各邊將官並管軍頭目私役及軍民

人等私出境外釣豹捕鹿砍木掘鼠等項並把守之人知情故縱該管里老官旗軍吏扶同隱蔽者除實犯死罪外其餘俱調發煙瘴地面民人里老為民軍丁充軍官旗軍吏帶俸食糧差

操

謹案此條係原例雍正三年奏准官旗二字改爲兵目其餘俱調發以下至末二十九字

改爲其俱發煙瘴地面民發為民軍發充軍乾隆三十七年以私度緣邊湖塞及潛出外境俱有治罪專條將

此例奏准刪除

○一凡守把海防武職官員

有犯聽受通番土俗哪達報水分利金銀貨物等項值銀百兩以上。名為買港。許令船貨私入串通交易。貽害地方。及引惹番賊海寇出沒。戕殺居民。除實犯死罪外。其餘問受財枉法罪名。俱發邊衛永遠充軍。

謹案此條係原刑雍正三年刪問受財枉法罪名七

字一。凡守把海防武職官員有犯聽受外番金銀貨物等項。值銀百兩以上。許令船貨私入串

通交易。貽害地方。及引惹番賊海寇出沒。戕殺

居民。除實犯死罪外。其餘俱發邊遠充軍。

謹案此條

乾隆五年改定。○一。會同館內外四鄰軍民人等。代替

外國人收買違禁貨物者。問罪。枷號一月。發邊

衛充軍。

謹案此條係原例。舊載戶律把持一。凡行市條下。嘉慶十六年移併此門。

外國貢船到岸。未曾報官盤驗。先行接買番貨。

及為外國收買違禁貨物者。俱發邊衛充軍一。

凡官員軍民人等。私將應禁軍器。賣與進貢外

國圖利者。比依將軍軍器出境因而走泄事情律。

處斬。為從者發邊衛充軍。

謹案此二條均係原例。

一。凡外

國差使臣人等赴京朝覲。官員與軍民人等交

易。止許光素紵絲絹布衣服等件。不許買黃紫

黑皂大花西番蓮緞疋及史書。不許將一應兵

器並違禁銅鐵等物私易違者處以極刑

謹案此條

係原例雍正三年將及史書至處以極刑二十五字改為並不得收買史書及一應違禁兵器焰硝牛角銅鐵等物如有將違禁兵器等物圖利賣與外國人者比照私將軍器出境因而走泄事情律為首者梟首示眾又案原載戶一律把持行市條下乾隆五年移附此律

外國差使臣人等朝貢到京與軍民人等交易止許光素紵絲絹布衣服等件不許買黃紫黑阜大花西番蓮緞疋並不得收買史書及一應違禁軍器硝磺牛角銅鐵等物如有將違禁貨物圖利賣與進貢外國者為首依私將應禁軍器出境因而走泄事情律斬監候為從發邊衛

充軍。

謹案此條係乾隆五年改定。

一各處地方如遇外國人

入貢經過驛遞即便察照勘合應付不許容令

買賣連日支應違者按律治罪。若街市鋪行人

等私與外國人交通買賣者貨物入官犯人問

罪枷號一月發落。

貨物若不係違禁引違制若係禁案引為外國收買

違禁貨物例發邊街充軍。謹案此條係原例。舊載郵驛多支康給條下嘉慶十六年節錄街

市鋪行人等以下併入此門例。一凡外國貢船內其按律治罪以上仍錄彼門。

到岸未曾報官盤驗先行接買番貨並外國人

入貢經過地方街市鋪行人等私與外國人交

通買賣如所買賣貨物不係違禁者均照違

制律杖一百。枷號一月。貨物入官。如所買賣係違禁貨物。並會同館內外四鄰及軍民人等。代替外國人收買違禁貨物者。俱枷號一月。發近邊充軍。若外國差使臣人等朝貢到京。與軍民人等交易。止許光素紵絲絹布衣服等件。不許買賣紫黑皂大花西番蓮緞疋。並不得收買史書。違者將買給之人。照代為收買違禁貨物例。枷號一月。發近邊充軍。如有將一應違禁軍器硝磺牛角銅鐵等物。圖利賣與進貢外國者。為首依將應禁軍器出境。因而走泄事情。律斬監候。為



從發近邊充軍

謹案嘉慶十六年將上  
五條修改併為此條

○一。凡

沿海去處下海船隻除有號票文引許令出洋外若姦豪勢要及軍民人等擅造二桅以上違式大船將帶違禁貨物下海前往番國買賣潛通海賊同謀結聚及為鄉道劫掠良民者正犯比照謀叛已行律處斬仍梟首示衆全家發邊衛充軍其打造前項海船賣與外國圖利者比照私將應禁軍器下海因而走泄事情律為首者處斬為從者發邊衛充軍若止將大船雇與下海之人分取番貨及雖不曾造有大船但糾

通下海之人。按買番貨與探聽下海之人。番貨到來。私買販賣。蘇木胡椒。至一千斤以上者。俱發邊衛充軍。番貨並入官。其小民持假單。桅小船。給有執照。於海邊近處捕魚。打柴。巡捕官不許擾害。謹案此條係原例。一。凡沿海地方。姦豪勢要。及

軍民人等。私造海船。將帶違禁貨物下海。前往番國買賣。潛通海賊。同謀結聚。及為鄉道劫掠良民者。正犯比照謀叛已行律處斬。梟示全家。發邊衛充軍。其打造海船。賣與外國圖利者。造船人與賣船之人。為首者立斬。為從者發邊衛

充軍。若將船隻雇與下海之人分取番貨及糾通下海之人私行接買番貨與探聽下海之人番貨到來私買販賣蘇木胡椒至一千斤以上

者俱發邊衛充軍番貨並入官

謹案此條乾隆五年改定嘉慶

六年查新例比照反逆之案家屬概免緣坐將全家發邊衛充軍句改為其父兄伯叔與弟知情分贓杖一百流三千里如不知情之父兄仍照不能禁約子弟為盜例杖一百

○一。

私自販賣硫磺五十斤焰硝一百斤以上者問罪。硝磺入官賣與外國及邊海賊寇者不拘多寡比照私將軍器出境因而走泄事情律為首者處斬為從者俱發邊衛充軍若合成火藥賣

與鹽徒者亦問發邊衛充軍。兩鄰知而不舉者

各治以罪。

謹案此條係原例乾隆五年以商漁船夾帶硝磺接濟外洋及內地私販

硝磺俱有新例將合成火藥賣與鹽徒一段併入新例移於收藏應禁軍器門內此條刪。○

一。各邊夜不收出境探聽賊情若與賊人私擅

交易貨物者除實犯死罪外其餘問調廣西煙

瘴地面衛所食糧差操

謹案此條係原例雍正三年將首二句改為一

各邊兵役出境巡察或探聽賊情末二句改為其餘問發煙瘴地面充軍。○一。姦商

販賣軍器與土司番蠻者杖一百發邊遠充軍。

該管官知情故縱者罪同。不知情者道府州縣

官及武職專管兼轄官並該管督撫提鎮俱交

該部照例分別議處

謹案此條雍正五年定

○一。商漁船

隻不分單桅雙桅悉從民便造船時呈報州縣官查取澳甲戶族里長鄰佑保結方准成造完日報官親驗給照開明在船人年貌籍貫並商船所帶器械件數以便汛口查驗若商漁船內夾帶違禁硝磺釘鐵樟板等物接濟外洋者船戶以通賊論斬舵工水手知情同罪不知情者皆杖八十徒二年原保結之人皆杖一百徒三年若船主在籍而船隻出洋有事並責問船主承察取結之該地方官及汛口盤查之文武官

俱革職。賣放者革職。流二千里。其稅關衙門先  
驗地方官印照。然後給牌。有妄給者亦照地方  
官例議處。若汛口之盤察挂號文武各官。有勒

索疏縱者。亦交與該部議處。

謹案此條雍正五  
年定。乾隆五年於

器械件數下。增及船內備  
用鐵釘等物數目十一字。

○一船隻出洋。十船

編為一甲。取其連環保結。一船為非。餘船並坐  
餘船能將為非船戶首捕到官者。免其坐罪。初  
出口時。必於汛口挂號。將所有船照呈送地方  
官。或營官驗明。填註月日。蓋印放行。入口時呈  
驗亦如之。總計經過省分。一省必挂一號。回籍

時仍於本籍印官處送照查驗。違者治罪。如有

不由各汛偷越外洋者。船戶舵工人等。並富民

謀利自造商船。租與他人。及租之者。俱各杖一

百。枷號三月。失察及知情之該管各官。俱交該

部議處。

謹案此條係雍正五年定例。

○一。凡商漁船隻。分別

書刻字樣。其營船。刊刻某營第幾號哨船。舵工

水手人等。俱各給予腰牌。開明姓名年貌籍貫。

如船無字號。人有可疑。即嚴加究治。至漁船出

洋。不許裝載米酒。進口。不許裝載貨物。違者嚴

加治罪。其守口之文武各官。不行盤查。照姦船

出入海口例處分

雍正五年定本句  
乾隆五年改馮照例議處

○一。凡沿海船隻。在朝鮮國境界漁採及私行越江者。被朝鮮國人捕送。為首發邊遠充軍。從

犯減一等。該地方官員交部察議。

該案此條雍正五年定。原

文補送下有嚴行治罪四字。無為首至減一等十二字。

○一。凡盜賊前往

朝鮮國劫掠者。該國王即行追拏殺戮。生擒解

送。若輒風船隻人內。有無辜妄行生事者。該國

王即照伊律懲戒治罪。倘有匪類越境生事。而

朝鮮不能擒獲。以致漏網。該國王將伊國防汎

之員題參治罪。該王一併交部議處。

該案此條雍正五年



定。一。凡盜賊前往朝鮮國劫掠者。該國王即行追擊殺戮。生擒解送。其飄風船隻人內。實係有票並未生事者。照例送回。若無票匪類。妄行生事。該國王即照伊律審擬。咨部具題請

旨完結。儻伊國防汎之員不能擒獲。題參治罪。該國

王一併交部議處。

謹案此條係乾隆五年修改

○一。興販鴉

片煙。照收買違禁貨物例。枷號一月。發近邊充軍。如私開鴉片煙館。引誘良家子弟者。照邪教惑眾律擬絞監候。為從杖一百。流三千里。船戶地保鄰佑人等。俱杖一百。徒三年。如兵役人等

藉端需索計贓照枉法律治罪失察之汛口地

方文武各官並不行監察之海關監督均交部

嚴加議處

謹案此條雍正七年定

○一沿海姦徒開設窩

口勾通外夷潛買鴉片煙土入口囤積發賣圖

利為首擬斬立決恭請

王命先行正法仍傳首海口地方懸竿示眾為從同

謀友接引護送之犯並知情受雇之船戶均擬

絞監候房屋船隻一律入官失察員弁交部議

處○一沿海員弁兵丁人等收受窩口財物縱

放煙土入口無論贓數多寡概擬絞立決其未

經得賄。但知情徇縱。或漏信致令脫逃。俱發往  
新疆地方。係官弁充當苦差。兵丁為奴。如訊不  
知情。止係失於覺察者。兵丁杖一百。徒三年。文  
武員弁及失察之海關監督。交部議處。○一。沿  
海姦徒。貪利寄囤夷船鴉片煙土者。照開設窩  
口從犯治罪。其尋常興販煙土案內知情受寄  
之犯。減首犯一等治罪。○一。粵東洋商與夷人  
貿易往來。均令遵照住澳住行一定期限。於賣  
貨完竣後。即行起程。逾限羈留者。照違

制律杖一百。如查有囤積鴉片煙情弊。照例治罪。房

屋查抄入官。○一。洋船進口。有無夾帶鴉片煙土。責成海關監督嚴飭胥吏人等。認真檢查。如有知情縱放得賄包庇。並徇隱偷漏等弊。從嚴懲處。○一。各省拏獲販賣鴉片煙人犯。應根究何處購買。何人經手。何人包庇護送。並由何處海口上岸。及經過何處地方。分別受賄知情與不知情。照例懲辦議處。○一。夷人帶有鴉片煙來內地圖賣者。為首擬斬立決。為從同謀者絞立決。由該督撫審明確係正犯。並無替冒情弊。即交地方官督同該夷頭目。將各犯分別正法。

起獲煙土。全行銷毀。同船知情之犯。由該督撫酌量懲治。所帶貨物。概行入官。○一。伊犁等處卡外貿易夷人。如有明知例禁。合夥興販鴉片煙土。入卡售賣。漁利者。即照例分別首從。問擬斬絞立決。若僅止零星夾帶。又訊係無知誤犯者。應由該將軍酌量枷號示懲。至內地姦民有向夷人接買鴉片煙土。囤積發賣。及知情寄囤夷人煙土者。審實均照開設窩口例分別辦理。失察之該管官弁兵役人等。照例嚴叅懲辦。

謀案

以上八條。俱係道光十九年定例。同治九年刪除。○一。沿海一應採捕及

內河通海之各色小船。地方官取具澳甲鄰佑  
甘結一體印烙編號給票查驗。如有私造私賣  
及偷越出口者。俱照違禁例治罪。甲鄰不行呈  
報一體連坐。僮船隻有被賊押坐出洋者。立即  
報官將船號姓名移知營汛緝究。容隱不首日  
後發覺。以接濟洋盜治罪。其呈報遭風船隻必  
查訊實據方准銷號。捏報者即行究治。○一。沿  
邊沿海地方。有將黃金販賣出洋者。照鐵貨銅  
錢等物私出外境下海律治罪。○一。臺灣流寓  
之民。凡無妻室者。應逐令過水。交原籍收管。其

有妻子田產者。如犯敵血訂盟誘番殺人捏造  
匿名揭帖強盜窩家造賣賭具應擬斬絞軍流  
等條。除本犯依律例定擬外。此內為從罪輕之  
人。並教唆之訟師。均應審明逐令過水。其越界  
生事之漢姦。如在生番地方謀占番田並勾串  
棍徒包攬偷渡及販賣鴉片煙者亦分別治罪。  
逐令過水。謹案以上三條  
雍正八年定。○一。附近苗疆五百  
里以內民人煎窰窩囤興販硝磺事發。如在十  
斤以下。杖一百。其十斤以上者。杖六十。徒一年。  
二十斤以上者。按照五徒以次遞加五十斤以

上者杖一百流二千里。八十斤以上者杖一百  
流二千五百里。一百斤者杖一百流三千里。多  
至百斤以上者照合成火藥賣與鹽徒例發近  
邊充軍。若囤積未曾興販減私販罪一等。焰硝  
每二斤作硫磺一斤科斷。鄰保挑夫船戶照例  
分別發落。其該地銀匠藥鋪染房需用硝磺地  
方官照例給批定限。每次不得過五斤。違者治  
罪。○一。洋船挂驗出口之時該汛弁詳細驗明  
押交前途各汛押送。俟放洋後方許回汛。如船  
戶有違禁攬載偷渡者一經拏獲即嚴行究擬。



兵役按拏獲偷渡人犯名數給賞十名以上各賞銀二兩。每過十名遞加二兩。至五十名以上各賞銀十兩。即於該船戶名下追出充用。儻不實力查拏以致疏脫十名以上者。兵役各責二十板。每過十名加責十板。至四十名以上各責四十板。革役五十名以上。枷號一月發落。專管兼轄官分別議處。其洋船回時如有照外多載或頂充偷渡。又潛匿不回等弊。船戶舵水俱照窩藏盜賊例治罪。出結之族鄰行保杖一百。徒三年。承查出結及汛口盤查各員。交部議處。有

賊革職杖一百流二千里。仍計賊從重論。如出洋之人。果有病故等情。令同往之人及船戶舵水具結存案。

謹案以上二條雍正十二年定。

○一在番居住閩

人。實係康熙五十六年以前出洋者。令各船戶出具保結。准其搭船回籍。交地方官給伊親族領回。取具保結存案。如在番回籍之人。查有捏混頂冒。顯非善良者。充發煙瘴地方。至定例之後。仍有託故不歸。復偷渡私回者。一經拏獲。即行請

旨正法。

謹案此條乾隆元年定。

○一姦徒偷運米穀潛出外洋。

接濟姦匪者擬絞立決。若止將米穀偷運出口圖利。並無接濟姦匪情弊者。米過一百石。發近邊充軍。一百石以下。杖一百。徒三年。不及十石者。枷號一月。杖一百。為從。及船戶知情不首告者。各減一等。穀每二石作米一石科斷。以上船隻貨物俱入官。汎口文武各官失察。故縱。交部照例分別議罪。謹案此條乾隆元年定。一。凡將豆麥雜糧偷運出洋接濟姦匪者。照偷運米穀例擬絞立決。如止圖漁利。並無接濟姦匪情事。計所偷運石數。照二穀一米之例。分別科斷。其為從及知

情不首之船戶亦照米石例減等問擬船隻貨

物入官失察各官照例議處

據案此條乾隆十三年定

一姦

徒將米穀豆麥雜糧偷運外洋接濟姦匪者擬絞立決若止圖漁利並無接濟姦匪情弊者米

過一百石發近邊充軍一百石以下杖一百徒

三年不及十石者枷號一月杖一百為從及知

情不首之船戶各減一等穀及豆麥雜糧每二

石作米一石科斷船隻貨物入官汎口文武各

官分別失察故縱照例議處治罪

據案此條乾隆五十二年

修一姦徒將米穀豆麥雜糧偷運外洋接濟姦

匪者擬絞立決。如止圍漁利。並無接濟姦匪情弊者。米過一百石。發近邊充軍。一百石以下。杖一百。徒三年。不及十石者。枷號一月。杖一百。為從。及知情不首之船戶。各減一等。穀及豆麥雜糧。每二石作米一石科斷。所有姦徒偷運米石。及船隻貨物。俱給拏獲之員弁充賞。失察之汛口文武各官。照例議處。如有得賄故縱者。即行叅革。以枉法計賊治罪。倘有不肖員弁。奉委之後。並不親身出口。及妄拏商船。額帶食米。訛詐姦。一體嚴叅。其有得賊者。照恐嚇取財律治罪。

據實此條乾隆  
六十年增定

○一。凡民人偷越定界。私入臺

灣番境者。杖一百。如近番處所偷越深山。抽藤

釣鹿伐木採椽等項。杖一百。徒三年。其本管頭

目鈐束不嚴。杖八十。鄉保社長各減一等。巡查

不力之直日兵役。杖一百。如有賄縱計贓從重

論。據實此條乾隆  
二年定

○一。往返外夷之大洋船。准其

攜帶礮位。每船礮不得過二門。火藥不得過三

十斤。其鳥槍弓箭腰刀等項。亦仍准攜帶。至製

礮之時。該船戶呈報地方官給照。赴官局製造。

完日官驗。鑿船戶籍貫姓名及製造年月字樣。

仍於縣照內註明所帶礮位輕重大小。以備關  
口官弁盤驗。回日即行繳庫。開船再領。倘遭風  
沈失。令船戶客商具結報明所在地方官。免其  
治罪。如船隻無恙。妄稱沈失。查究照接濟外洋

例治罪。

謹案此條乾隆二年定。

○一。出海樵採船隻。每船

准帶食鍋一口外。每名許攜斧斤一把。在船人  
數不得過十人。俱註明照內。出入查驗。若有夾  
帶出口。及進口缺少。即行嚴究治罪。

謹案此條乾隆五年

定。○一。閩省不法棍徒。如有充作客頭。在沿海

地方引誘偷渡之人。包攬過臺。索取銀兩。用小

船載出澳口。復上大船者。為首發邊衛充軍。為從。及澳甲地保船戶舵工人等知而不舉者。俱杖一百。徒三年。均不准折贖。其偷渡之人。照私渡關津律。杖八十。遞回原籍。儻姦徒中。途有謀害情事。人已被害身死者。將謀害之人。不分首從。俱照江洋行劫大盜例。擬斬立決。梟示。如被害未死。將為首者。比照強盜傷人例。擬斬立決。同謀之人。照未傷人之夥。盜免死減等例。發雲貴兩廣極邊煙瘴地方。交與該地方官嚴行管束。雖未同謀下手。但同船知情不首告者。杖一



百徒三年。若有船戶私攬無照之人偷載過臺  
及將哨船偷載圖利者。俱照此例分別治罪。至  
掣獲偷渡人犯。訊明從何處開船。將失察姦船  
及隱匿不報之文武官弁。交部分別議處。謹案  
此條

乾隆五年定其被害未死為從之犯於乾  
隆八年改發甯古塔等處給被甲人為地一闕

者不法棍徒。如有充作客頭。在沿海地方引誘  
偷渡之人。包攬過臺。索取銀兩。用小船載出澳  
口。復上大船者。為首發近邊充軍。為從及澳甲  
地保舵工人等。知而不舉者。杖一百徒三年。遇  
有掣獲攬載偷渡船隻。將搭載大船及雇備小

船各船戶。俱照客頭例。分別首從治罪。船隻變價充公。出具連環互結之船戶。並原保澳甲。及開張歇寓之人。知情容隱者。俱杖一百。枷號一月。均不准折贖。其偷渡之人。照私渡關津律。杖八十。遞回原籍。若將哨船偷載圖利者。亦照此例。分別治罪。僮姦徒中途有謀害情事。人已被害身死者。將同謀之人。不分首從。俱照江洋行劫大盜例。擬斬立決。梟示。如被害未死。將為首者。比照強盜傷人例。擬斬立決。同謀之人。照未傷人之夥。盜免死減等例。發甯古塔等處。給披

甲人為奴。雖未同謀下手。但同船知情不首告。

者。杖一百。徒三年。至拏獲偷渡人犯。訊明從何

處開船。將失察姦船。及隱匿不報之文武官弁。

交部分別議處。謹案此條乾隆三十七年改定。五十六年奏准。此項同謀之犯。

改發回城為奴。已於嘉慶六年。將例文遵改。二

十二年。調劑新經遣犯。將例內發回城為奴。改

發重責。兩府。誣連。煙瘴。充軍。減。○姦民國利。

暨二年。改為發往黑龍江為奴。將廢鐵錢貨。潛出邊境。及海洋貨。賣一百斤

以下者。杖一百。徒三年。一百斤以上。及舟車

捆載者。發邊衛充軍。若賣與外國。及海邊賊寇

者。照將軍器出境下海律。絞監候。關隘官弁徇私

故縱照律議罪。如內地貨賣官弁兵役藉端索詐。計贓治罪。其漢夷船隻。有將鐵鍋出洋貨賣者。亦照此例行。至商船每日煮食之鍋。照舊置用。官吏不得藉端勒索滋擾。謹案此條乾隆五年定一。凡

商民出洋。將紅黃銅器銅斤私販各洋貨賣圖利。為首者。照姦民圖利將廢鐵貨潛出海洋貨賣例。一百斤以下者。杖一百。徒三年。一百斤以上。發邊衛充軍。為從。及船戶各減一等。貨物銅斤船隻入官。其關汛文武員弁失察。故縱賣放者。分別治罪。謹案此條乾隆十四年定一。商民圖利。將廢

鐵鐵貨及紅黃銅器銅斤私販海洋貨賣一百斤以下者杖一百徒三年一百斤以上及舟車相載者發近邊充軍若發廢鐵鐵貨賣與外國及海邊賊寇者照將軍器出境下海律擬絞監候為從及船戶各減一等貨物銅鐵船隻入官關津文武官弁失察故縱分別議處治罪如內地貨賣官弁兵役藉端索詐計贓治罪其漢夷船隻有將鐵鍋出洋貨賣者亦照此例行至商船每日煮食之鍋照舊置用官吏不得藉端勒索滋擾

謹案此條係乾隆五十年將上二條修併

○一。內地姦民

有摹造洋板銷化白銀仿鑄洋錢圖利者一經  
當場拏獲如數在一百圓以上者發近邊充軍  
一百圓以下杖一百徒三年不及十圓者枷號  
一月杖一百為從各減一等

謹案此條道光十三年定

欽定大清會典事例卷七百七十六

刑部

兵律關津

私出外境及違禁下海二

私役

○一。黃金白銀違例出洋。如白銀數在一百兩以上者。發近邊充軍。一百兩以下。杖一百。徒三年。不及十兩者。枷號一月。杖一百。為從。及知情不首之船戶。各減一等。至黃金每兩作白銀十兩科斷。失察賄縱之汛口文武各官。俱照失察賄縱米穀例懲辦。謹案此條道光十三年定

○一。商人收買鐵斤。除近苗產鐵處所。令呈

明該地方官外。內地興販。悉從民便。若在沿海地方。遞運鐵斤。交賣商漁船隻。為首。照將軍器出境。下海律。絞監候。為從。杖一百。流三千里。船戶挑夫。減本犯罪二等。

謹案此條乾隆五年定

一商

民收買鐵斤。除近苗產鐵處所。令呈明地方官外。其內地興販。悉從民便。若沿海地方。商民圖利。將鐵斤及廢鐵鐵貨。並紅黃銅器銅斤。私販遞運海洋。交賣商漁船隻。一百斤以下者。杖一百。徒三年。一百斤以上及舟車捆載者。發近邊充軍。為從。各減一等。若將前項銅鐵等貨。賣與



外國及海邊賊寇者。照將軍器出境下海律擬絞監候。為從杖一百流三千里。船戶挑夫各減本犯罪二等。貨物銅鐵船隻入官。關汛文武官弁失察故縱。分別議處治罪。如內地貨賣官弁兵役藉端索詐。計贓治罪。其漢夷船隻有將鐵鍋出洋貨賣者。亦照此例行。至商船每日煮食之鍋。照舊置用。官吏不得藉端勒索滋擾。謹案嘉慶

六年。將上二條改併此條。

○一奉天錦復雄蓋四城俱係海

疆。嗣後無論天津山東等處商船。俱著於設有官兵處所停泊山岸。以便稽查。仍飭輪班兵役

嚴行訪查。如拏獲無票船隻私渡民人者。船戶民人俱照越渡緣邊關塞律治罪。船隻入官。若有票商船私帶票內無名之人。查出將本人照私渡關津律治罪。遞回原籍。船戶照違

制律治罪。船隻免其入官。

謹案此條乾隆十二年定。

○一。山海關

所屬冷口迤東一帶。與奉天錦州復州蓋平三州縣。及蓋平縣界內之熊岳城並甯海縣皆近接海洋。除姦民私販鋼鐵遞運海洋。交賣商漁船隻分別斤數照例問擬外。其近邊州縣內地商民。若因打造農具買運鋼鐵出口。一百斤以

內者。准其買運。令該商民呈明運往境內何處。該地方官填給印照。呈遞守口員弁查驗放行。如查有額外攜帶。及無照夾帶不成器皿之鐵。並非遞運海洋。亦非賣與商漁船隻。至五十斤者。將鐵入官。照不應重律杖八十。一百斤以外者。於沿海地方商民將鐵遞運海洋交賣商漁船隻一百斤以上。軍罪例上減一等。杖一百。徒三年。守口員弁有藉端需索者。參處治罪。謹案此條

道光五年

○一。凡商人有攜帶引茶貨物在喀什

噶爾等處。與私越邊卡之布魯特等易換貨物

或相買賣者。除違禁軍器硝磺實犯死罪外。餘

俱發邊遠充軍。如係私茶。卽照與販私茶與外

國交易例發煙瘴充軍。知情容留之歇家。說合

之牙保。各與本犯同罪。貨物入官。如商人攜貨

私越卡外。及越卡進內交易之布魯特。俱發雲

貴兩廣煙瘴充軍。謹案此條道光十年定。道。○一。凡臺灣流

寓之人。如有過犯罪。止杖笞以下。查有妻室田

產者。照常發落。免其驅逐。至犯該徒罪以上。及

姦盜詐偽。恃強生事。擾累地方者。審明之日。一

概押回原籍治罪。不許再行越渡。承審各官不

行逸逐容留在臺者。該督撫查叅。文部分別議

處。

謹案此條乾隆十六年定。

○一。絲斤違例出洋。過一百斤。

照米石出洋例。發近邊充軍。不及百斤者。杖一

百徒三年。不及十斤者。枷號一月。杖一百。為從

及船戶知情不首告者。各減一等。船隻貨物入

官。其違例偷漏紬緞綿絹等物。按照絲斤分兩

多寡。分別治罪。失察之汛口文武各官。並照失

察米石出洋例。分別議處。

謹案此條乾隆二十四年定。

○一。

臺灣地方拏獲番割。除實犯死罪外。但經訊有

散髮改裝。擅娶生番婦女情事。即照臺灣無藉

游民獷悍不法犯該徒罪以上例酌量情節輕重分別充軍。其僅擅娶生番婦女並無散髮改裝情事者杖一百徒三年。○一。臺灣姦民私煎硝磺無論已未興販如數在十斤以下者杖一百。刺字。逐令過水。十斤以上杖六十徒一年。每十斤加一等。多至百斤以上及合成火藥在十斤以下者發近邊充軍。多至三百斤以上及合成火藥至十斤以上者照私鑄紅衣等大小破位例處斬。妻子緣坐財產入官。如將硝磺與生番交易貨物及偷漏出海者均以通賊論。總董

牌甲鄰佑挑夫船戶知情不舉者連坐失察各

官照例議處自行拿獲者免議

謹案以上二條道光十四年定

○一沿海採捕出洋船隻務將本船作何生業貿易於照內詳細填註俟到口上岸之日稽查官弁令將貨物覈對除與原照相符者即行放進外若貨物與照內不符即時盤詰如係來歷不明移交地方官審鞫或來歷有因亦詳記檔簿遇洋面報有失事地方官即開具失單關查各口設有被竊日期並所失貨物與檔簿相符者立即根究嚴拏仍飭兵役人等不得藉端索

詐指留影射滋事。如有失察故縱及擾累無辜

情弊。各照諱盜誣良例分別治罪。謹案此條乾隆二十五年

定。○一。出洋船隻除商船仍將在船舵水人等

並填給照外。其漁船止將船主年貌姓名籍貫

及作何生業開填入照。並將船甲字號。大書深

刻於桅蓬船傍。出口時責成守口員弁。將該船

前往何處。作何生業。並在船舵水年貌姓名籍

貫。逐一查填照後。鈐蓋印戳。並將所填人數照

登號簿。遇有一船為匪。按簿查緝。儋州縣官將

照給予匪人。及汛口文武員弁查填不實。均交



部分別議處。○一。租賃船隻出洋為匪之案。除犯該徒罪以下。船主不知情者。仍照自造商船租與他人例。杖一百。枷號三月外。其犯該流罪以上者。船主雖不知情。照夾帶違禁貨物接濟外洋原保結之人治罪。倒杖一百。徒三年。船隻入官充賞。失察地方官照例議處。如船主實有事故不能親自出洋。別令親屬押駕。許赴地方官呈明取結。將親屬開填入照。方許出洋。如未呈明以頂冒論罪。○一。海關各口。如遇往洋船隻。倒換照票。務須查驗人數。登填簿籍。鈐蓋印。

截始准放行。進口時責成該委員吏役稽查。其有人照不符。船貨互異。即送地方官審究。如失於查察。致匪船濫出濫入。審明係何處口岸。有委員者。將該委員照例議處。無委員者。將該吏役責革。加枷號一月。並將失察之該管官交部議處。價關口員役藉端需索。照例分別叅處治罪。○一。內洋失事。仍照例文武帶同事主會勘外。如外洋失事。聽事主於隨風飄泊進口處。帶同舵水。赴所在文武衙門呈報。該衙門即訊明由何處放洋。行至被劫處所。約有里數若干。即

將事主開報贓物報明各該管印官該文武印  
官查照洋圖定為何州縣營汛所轄飛關所轄  
州縣會營差緝事主即予省釋毋庸候勘至詳  
報督撫衙門無論內外洋失事以事主報到三  
日內出詳馳遞以便據報行查海關各口將稅  
簿贓單互相較覈有貨物相符者即將盜船夥  
黨姓名呈報關拏至守口員弁儻有規避處分  
互相推卸或指使捏報他界者將推諉員弁交  
部照例議處其稽察關口員役如於未接文檄  
之先能查出匪船拏獲稟報者分別議敘吏役

酌量給賞。如奉到文檄能按照單簿據實查出

飛移所在地方將盜犯拏獲者免其處分。以上

四條均係乾隆三十二年定例。一。內洋失事仍照例文武官

帶同事主會勘外。如外洋失事聽事主於隨風

飄泊進口處帶同舵水赴所在文武衙門呈報

該衙門接據報呈以事主所指被劫地方為準

僮事主不能指實地名即將洋圖令其指認如

在本縣該管洋面被劫者即行差緝一面移會

交界縣分一體緝拏如所報係在鄰縣或鄰省

洋面被劫者該縣一面緝拏一面將報呈飛移

失事地方。並詳報該督撫分別咨行。毋庸傳同  
事主會勘。仍令該督撫嚴飭所屬。不分畛域。實  
力奉行。地方文武官。僅有藉詞推諉。或令事主  
改換報呈。或令盜犯捏供別處者。照規避例參  
革究辦。至詳報督撫衙門。無論內外洋失事。以  
事主報到三日內出詳馳遞。以便據報行查海  
關各口。將稅簿贓單。互相較覈。有貨物相符者。  
即將盜船夥黨姓名呈報關拏。若守口員弁。有  
規避處分。互相推卸。或指使捏報他界者。將推  
諉員弁交部照例議處。其稽察關口員役。如於

未接文檄之先。能查出匪船。拏獲稟報者。分別  
議敘。吏役酌量給賞。如奉到文檄。能按照單簿  
據實查出。飛移所在地方。將盜犯拏獲者。免其  
處分。謹案此條道光八年改定。○一。拏獲偷渡過臺客民。如

尚在陸路客店道路未登舟以前。客頭船戶客  
民俱照本例減一等發落。如已登舟。無分大船  
小船。已未出口。將客頭船戶客民。即照偷渡本  
例治罪。若不法客頭船戶內。有積慣在於沿海  
邨鎮引誘包攬。招集男婦老幼數至三十人以  
上者。無論已未登舟。一經拏獲。即將客頭船戶

年力强壯者。發遣新疆給種地。兵丁為奴。年老

殘廢者。改發極邊煙瘴充軍。至拏獲偷渡客民。

務須嚴究。沿海陸路在何邨鎮客店會集。將該

處兵役澳甲地保客店究明。如止於失察。兵役

杖一百。澳甲地保客店人等杖七十。如有賄縱

情弊。計贓從重論。兵役澳甲人等。能於客店聚

集時拏獲。及首報偷渡客民者。雖在本汛。亦按

照拏獲偷渡客民。計名給賞。若將並非偷渡之

人。輒行妄拏。圖功邀賞。及挾嫌嚇詐情事。仍各

照本例分別從重治罪。謹案此條乾隆三十五年定。道光六年調劑新

疆道犯。將例內引誘包攬之客頭船戶。俱改發  
往邊足四千里充軍。二十四年。新疆道犯。照舊

發往。仍。○一。東省登萊等處有票船隻。如有夾  
後原例。

帶無照流民私渡奉天者。將船戶照無票船隻  
夾帶流民例量減一等。杖九十。徒二年半。船隻  
入官。若船戶不能親身出洋。別令親屬押駕。已  
經報官不給票者。將押駕之人即照船戶例治  
罪。船隻入官。謹案此條乾隆  
四十二年定。○一。沿海各省商

漁船隻。地方官給發照票。於舵工水手人等年  
貌項下添註箕斗。令守口員弁查驗。如人數與  
照內不符。及年貌箕斗不合者。將船扣留。移交



地方官查明嚴辦。其有捏稱照票遺失。或稱存  
留在家者。即審明實無為匪情事。亦照違

制律治罪。船隻入官。其水手人等。或在洋患病。臨時  
雇覓別船水手。准該船戶於收口時。出具保結  
呈報該管官員。於新雇水手年貌之下。亦填註  
箕斗。仍驗明同船之人。每名箕斗皆屬相符。方  
准具保。若有病故淹斃。即令同船之人出具切  
實甘結。如有無故不回者。准令地鄰出首。儻獲  
破盜案內有同票之人。將出結之船戶水手。及  
原出甘結又不稟首之地鄰。一併分別治罪。如

守口弁兵不實力稽查。私行賣放。一經發覺。審明該犯於何年月日。在何處口岸透漏出口。即將該弁兵治罪。不行覺查之上司。從重議處。如係自行查出者免議。謹案此條乾隆六十年定。○一。商民等

偷越生番地界者杖一百。偷越深山伐木等項

杖一百徒三年。致啟邊衅。或教誘為亂。貽害地

方者。除實犯死罪外。問發邊遠充軍。謹案此條嘉慶十年

定。○ 嘉慶十年順治十三年

諭海氛未靖。必有姦民暗通綫索。資以糧物。若不立法嚴禁。何由廓清。今後凡有商民船隻私自下海。將糧

食貨物等項與逆賊貿易者。不論官民。俱奏聞處斬。貨物入官。本犯家產。盡給告發之人。其該管地方文武各官不行盤緝。皆革職從重治罪。地方保甲不行舉首。皆處死。凡沿海地方口子。處處嚴防。不許片帆入口。一賊登岸。如有疏虞。專汛各官。即以軍法從事。督撫提鎮並議罪。○十八年題准。福建浙江江南三省所禁沿海境界。凡有官員兵民違禁出界貿易。及蓋房居住。耕種田地者。不論官民。俱以通賊論處斬。貨物家產。俱給許告之人。該管文武官不能查獲。俱革職。從重治罪。地方保甲知情

不首者。處絞。其違禁出境之人。審明係何地方出口。將守口官兵知情者。以同謀論。立新。不知情者。從重治罪。○康熙四年題准。青登萊沿海等處居民。准令捕魚外。若有藉端捕魚。在沿海貿易。通賊來往者。照先定例處分。○六年議准。兵民違禁出海。文武各官該管汛地。掣獲者免罪。將別汛出口之人。查緝十名以上者。紀錄一次。百名以上者。加一級。督撫所屬地方。有姦民違禁出海。不行查獲。事發之日。將總督降二級留任。巡撫降一級留任。至於督撫提鎮副將道。

府所轄兵民有將違禁出海之人拏獲者。統轄各官均免議。○七年議定。凡官兵民人有犯違禁出海貿易等罪者。照例擬罪外。其地方甲長同謀故縱者處斬。知情不首者絞。不知情者杖一百流三十里。該管文職不知情者。州縣官革職。永不敘用。府道官各降三級調用。巡撫降一級留任。○九年題准。凡官兵拏獲出海貿易者。將貨物家產一半給賞。一半入官。若遇

赦免罪。免其入官。仍將一半給拏獲之人。○十四年覆准。販賣硝磺者。俱令呈明出產地方。取領府

州縣官印票。於經過府州縣關津隘口。將印票呈明各官。填註驗訖字樣。用關防印記放行。若無印票。出境賣與賊寇者。照賣與外國邊海賊寇律。為首者處斬。為從者俱責四十板。發邊衛充軍。其在內地私行販賣者。照合成火藥賣與鹽徒律。發邊衛充軍。若府州縣及關津各官不行查獲。被別處盤詰者。該督撫將疏縱各官題參治罪。督撫不行查參。一併議罪。○十五年議准。凡姦商自逆販接壤處所。將硫磺焰硝鹽斤布疋等貨販賣與賊者。不論官兵民人。俱照通

賊例立斬。妻子家口入官。該管官員及兵丁衙役知情故縱者。以同謀論。俱處斬。其不知情者。文職州縣官。武職專汛官。俱革職。將守汛兵丁治罪。文職府道官。武職兼轄官。俱降三級調用。該管總兵官。降二級留任。總督巡撫提督。各降一級留任。若該汛文武各官。將由本汛販賣之人。盤獲者。免罪議敘。十名以上者。紀錄一次。二十名以上者。紀錄二次。三十名以上者。紀錄三次。四十名以上者。紀錄四次。五十名以上者。加一級。百名以上者。加二級。其不係本汛於別汛

盤獲十名以下者。紀錄一次。十名以上者。加一級。二十名以上者。加二級。三十名以上者。加三級。四十名以上者。加四級。五十名以上者。不論俸滿即升。一百名以上者。越升即用。拏獲販賣之兵民將所獲貨物盡行給賞。至盤獲一人。供出夥黨者。該管官即應免議。若誣拏良民者。照律反坐。○二十三年議准。出海貿易之禁已開。其先定處分之例。拏獲姦民議敘之條。俱行停止。凡直隸山東江南浙江等省民人。情願在海。上貿易捕魚者。許令乘載五百石以下船隻。往



來行走。仍於各口出入之處。豫行稟明該地方官。登記名姓。取具保結。給發印票。令防守官員驗票點數。准其出入。如有打造雙桅五百石以上。違式船隻出海者。不論官兵民人。俱發邊衛充軍。該管文武官員。及地方甲長同謀打造者。徒三年。明知打造不行舉首者。官革職。兵民杖一百。○又議准。凡違禁將硫磺焰硝軍器等物。私載在船。出洋貿易者。仍照律治罪。其防守該管官員知情故縱者。亦照律處分。○雍正二年議准。山海等關。若有稽查不力。以致私帶人漫

珠子過關者。該管官照失察例。降三級調用。巡查人等。照不應重律杖八十。明知故縱者。該管官革職。巡查人等杖一百。枷號一月。受賄賣放者。計贓以枉法從重論。○六年

諭查康熙五十六年。禁止南洋貿易案內。經九卿議定。嗣後如有出洋之人。留在外國者。該督撫行文外國。將留下之人。令其解回。即行正法。後經施世驥題請。  
蒙

聖祖仁皇帝特恩。令康熙五十六年以前出洋之人。俱載回原籍。隨於五十九年內。福建浙江等省。奏報出

洋回籍之人將及二千名。嗣後則再無奏報回籍之事。是五十六年以前出洋之人。其願回籍者。皆已陸續返棹。而彼地存留不歸者。皆甘心異域。及五十六年以後。違禁偷往之人矣。因今洋禁新開。禁約不可不嚴。以免內地民人貪利飄流之漸。其從前逗遛外洋及違禁偷往之人。不准回籍。○又議准。洋船出入海口。必按定期限。方易稽查。嗣後每年出口船隻。應令於四月內造報。入口船隻。於九月內造報。如入口之船。有番帳未清。不便即回者。准俟來年六七月間回港。有遭風飄泊他省者。准取

具該地方官印結齋回。有舟行被溺。無憑查據者。飭取飄回餘人鄰船客商等確供詳數。僅故意遲延。並徇私捏報。即行分別究處。至每船應酌帶米石。暹羅大船三百石。中船二百石。噶喇巴大船二百五十石。中船二百石。呂宋等處大船二百石。中船一百石。埭仔等處大船中船各一百石。如有偷漏。以接濟外洋例論罪。再出洋之船。動經數月。油釘梭麻等物。酌量許帶。仍註明數目。以憑查驗。○九年議准。天生五材。鐵居其一。用以備軍資而造器物。所係綦重。向例鐵

貨不許私出外境。而廢鐵不在禁例。近聞射利之徒。專收廢鐵。鎔化運至近邊近海地方貨賣。此風漸不可長。請嗣後有將廢鐵潛出邊境及海洋貨賣者。照越販硝磺之律科斷。以除姦弊。

○又

諭據廣東布政使楊永斌奏稱鐵器一項所關綦重。不許出境貨賣。律有明條。粵東出產鐵鍋。凡洋船貨買。歷來禁止。乃夷船出口。所買鐵鍋。有自一百連至二百連。甚至五百連一千連者。查鐵鍋一連約重二十斤。若一船帶至五百連千連。即無慮一二萬斤。計

算每年出洋之鐵。為數甚多。誠有關繫。嗣後請照廢鐵之例一體嚴禁。違者該商船戶人等。即照例治罪。官役通同徇縱。亦照徇縱廢鐵例議處。凡遇洋船出口。仍交與海關監督一體稽察。至於商船每日煮食之鍋。應照舊置用。官役不得藉端勒索滋擾。如此則外洋之鐵。不致日積日多。於防姦杜弊之道。似有裨益。至煮食器具。銅鍋砂鍋。俱屬可用。非必盡需鐵鍋。亦無不便外夷之處。於朝廷柔遠人之德意。原無違礙等語。鐵斤不許出洋。例有明禁。而廣東夷船。每年收買鐵鍋甚多。則與禁鐵出洋之功。今不符矣。楊永

斌所奏甚是。嗣後稽察禁止。及官員處分。商人船戶治罪之處。悉照所請行。儻地方官弁視為具文。奉行不力。經朕訪聞。或別經發覺。定行從重議處。粵東既行查禁。則他省洋船出口之處。亦當一體遵行。著該部通行曉諭。永著為例。○乾隆三十四年

諭高晉等奏審擬蔣士達等捏造海糧假票一案。已批交三法司叢議。速奏矣。此等匪徒。造票煽惑愚民。實屬不法。一經訪獲。自應按例定擬。以示懲創。但江蘇地面。何以多有此等犯案。屢懲不悛。皆由該地方官平時不能善為教導所致。海票之說。本屬荒唐。究所

從來大約起於明末倭船混行之時。藉端煽誘。容或有之。本朝百餘年來。時際昇平。海疆甯謐。各處口岸肅清。惟有名可考之洋行估船。往來貿易。此外從無形迹可疑船隻。敢於闖入海口。安得有散賣米票之事。不過地方一二姦徒。意圖哄騙財物。暨不畏死。覆轍相仍。甘蹈法網。而愚民人貧智短。一聞少出錢文。即可重獲利息。輒不察事之虛實。被其煽惑。曾不思出銀五錢。經年即得十六兩之利。相去不止三十倍。乃情理所必無。且又不問海洋何故。有如許銀米散給貧民。而所賣之票。又止係尋常圖記。其為無稽作



偽更屬顯然。藉一尋惡。斷不致墮其詭術。在姦民固顧法紀。造票騙錢。無不即時敗露。立寘重典。自作之孽。毫無足惜。而百姓等代為散布。及買受票張。一經發覺。重則遣流。輕亦不能免於枷杖。未來之利。既不可得。且與其空費銀錢。復遭刑責。何如安貧守分。共為謹愿良民。常享太平之福乎。所屬地方官。若以此出示曉諭。令其簡明易解。或於巡查保甲時。每見邨農野老。隨處提撕。並令各係正廣為宣布。使窮鄉僻壤。皆得共喻共聞。小民縱極愚蒙。自無不憬然省悟。不得為人誘惑。姦民即欲復萌故智。見無可欺。愚其

風自息。此亦正本澄源之一法也。著傳諭高晉通飭各屬實力奉行。毋得僅以具文塞責。○五十七年議准。民間需用硫磺。若照定例由縣詳府。由府詳司。輟轉耽延。實屬於民不便。嗣後每年由布政使衙門豫印空數印票。給發每州縣各十張。如有商販請領。查明實係鋪店應用。即取具確切保結。一面由縣填數給發。一面申報藩司備案。僮有指稱鋪戶應用。捏領照票。赴外興販者。除本犯治罪外。將奉行給票之州縣一面查叅治罪。如實係鋪戶應用。州縣吏役刁難需索。一經

告發亦即從重究治。○又議准嗣後商漁各船照票內舵工水手各年貌項下將本人箕斗驗明添註均於進口出口時按名查驗一有不符即行跟究。僅有捏稱照票遺失或稱存留家內者除訊係盜匪假冒從嚴問擬外如審明實無為匪情事亦治以違例之罪並將船隻入官以為照票不隨本船者做。至於水手人等在洋患病臨時雇覓別船水手相幫者亦屬事所恒有。准令該船戶於收口時即行出具保結呈報該管官員於新雇水手年貌之下亦註明箕斗以

防牽混。但須驗明同船之人。每名箕斗皆屬相符。方准具保。如此立定章程。則船戶有箕斗為憑。盜匪即無從假冒。於防盜之法。較為嚴密。○

六十年

諭。向來臺灣拏獲偷渡人犯。將首犯擬遣。並在海口枷號。俟續有拏獲人犯。枷示後。再行釋枷發遣。此等偷渡為首之犯。既經問擬發遣。若俟續有獲犯。始行釋枷會解。設日久無獲。將待至何時為止。轉不足以示懲儆。未為允協。嗣後臺灣拏獲偷渡為首之犯。著枷號海口半年。滿日即行發遣。○道光十年奉

旨回疆現當嚴禁浩罕通商之際。該部將私越該處貨物入邊。及違禁易茶酌定專條。著照所議。嗣後商人。有攜帶引茶貨物。在喀什噶爾等處。與私越進卡之布魯特等易換貨物。或相買賣者。除違禁軍器實犯死罪外。餘俱照私通土苗互相買賣例。發邊遠充軍。如係私茶。即照私茶與外國人交易例。發煙瘴地方充軍。知情容留之歇家。說合之牙保。各與本犯同罪。貨物入官。如商人攜貨私越開齊。照奏定章程。發雲貴兩廣煙瘴地方充軍。該部即纂入則例。永遠遵行。

○光緒元年

諭沈葆楨等奏臺灣後山亟須耕墾請開舊禁一摺。福建臺灣全島自隸版圖以來因後山各番社習俗異宜曾禁內地民人渡臺及私人番境以杜滋生事端。現經沈葆楨等將後山地面設法開闢曠土亟須招墾一切規制自宜因時變通所有從前不准內地民人渡臺各例禁著悉予開除其販買鐵竹兩項並著一律弛禁以廣招徠。

私役弓兵。凡私事役使弓兵者一人笞四十。每三人加一等。罪止杖八十。每名計過役一日追雇工銀八分五釐五毫八官。當該官司應付役使

者同罪。罪坐所由。應付之  
官吏。